



BULETIN NRE

KEMENTERIAN SUMBER ASLI & ALAM SEKITAR

<http://www.nre.gov.my> Bil. 1/2007



Perdana Menteri Y.A.B. Dato' Seri Abdullah Ahmad Badawi menyampaikan ucapan menggesa masyarakat supaya mencintai alam sekitar. Hadir bersama dari kiri adalah Y.Bhg. Datuk Suboh bin Mohd Yassin dan Y.B. Dato' Seri Azmi bin Khalid



KEMPEN KESEDARAN ALAM SEKITAR KEMENTERIAN SUMBER ASLI DAN ALAM SEKITAR

- Kementerian Sumber Asli dan Alam Sekitar telah melaksanakan satu Kempen Kesedaran Alam Sekitar pada 8 Julai 2007. Kempen tersebut telah dirasmikan oleh Y.A.B. Dato' Seri Abdullah Ahmad Badawi di Queensbay, Pulau Pinang.
- Kementerian telah memilih "Alam Sekitar.. Tanggungjawab Anda" sebagai tema kempen tersebut.
- Objektif kempen adalah bagi membina keperihatinan masyarakat terhadap masalah dan isu alam sekitar di samping mewujudkan budaya menghargai serta memulihara alam sekitar di kalangan rakyat Malaysia untuk masa depan.

.....berita selanjutnya ms.4

Menarik Di Dalam

ms 4	* Kempen Kesedaran Alam Sekitar
ms 5	* Perhimpunan Bulan April
ms 6	* Mesyuarat Majlis Mineral Negara ke-5
ms 12	* Perjumpaan KSU dengan Utusan
ms 17	* NRE Retreat Pelan Strategik 2004-2010
	* Rainwater Utilisation Colloquium
	* World Water Day
	* Tenggiling Diseludup
	* Hari Tanah Lembap Sedunia

HEART OF BORNEO

Majlis menandatangani Deklarasi Inisiatif Heart of Borneo telah pun diadakan pada 12 Februari 2007 di Bali, Indonesia sebagai tanda simbolik kepada hasrat negara Malaysia, Brunei Darussalam dan Indonesia menyokong usaha-usaha perlindungan dan pemuliharaan biodiversiti di Kepulauan Borneo. Malaysia telah diwakili Y.B. Dato' Seri Azmi bin Khalid, Menteri Sumber Asli dan Alam Sekitar.

Kerajaan Indonesia pula diwakili oleh Mr. M. S. Kaban, Menteri Kehutanan Indonesia manakala Kerajaan Brunei Darussalam diwakili oleh Y.B. Pehin Orang Kaya Setia Pahlawan Dato Seri Dr. Awang Haji Ahmad bin Haji Jumaat, Menteri Perusahaan dan Sumber Asli Utama Brunei. Inisiatif Heart of Borneo adalah bertujuan untuk memelihara secara lestari kawasan yang terletak di tengah-tengah kepulauan Borneo, yang meliputi kawasan sempadan negara Brunei Darussalam, Indonesia dan Malaysia.





Sekapur Sireh Seulas Pinang dari YB. Menteri

Assalamualaikum dan Salam Sejahtera,

Terlebih dahulu saya ingin merakamkan rasa syukur dan terima kasih di atas inisiatif Kementerian ini untuk pertama kali mengeluarkan Buletin NRE. NRE merupakan antara Kementerian yang terbesar dalam negara, di bawahnya terdapat sebelas (11) agensi, kecil dan besar, yang sebelum 2004 wujud di bawah beberapa Kementerian lain. Dengan perstrukturkan semula ini jelas bahawa pertanggungjawaban NRE menyentuh semua khazanah alam yang ada di bumi, di laut dan di udara, yang dikenali sebagai Alam Sekitar.

Dengan penerbitan Buletin NRE diharapkan semua anggota Kementerian ini, yang bertugas di berbagai agensi, akan merasai diri mereka sebagai dalam satu keluarga, iaitu keluarga yang bertanggungjawab kepada Alam Sekitar pada keseluruhannya. Juga sebagai individu, setiap dari kita, wajar memamerkan tauladan yang baik kepada keluarga dan masyarakat mengenai keprihatinan terhadap Alam Sekitar. Mengambil contoh dari video Alam Sekitar yang dipaparkan di kaca-kaca TV akan mampu kita membimbing masyarakat ke arah perubahan sikap. Sesungguhnya penjagaan Alam Sekitar adalah tanggungjawab individu, seperti yang terbukti di negara-negara maju.

Adalah disedari bahawa Kerajaan sahaja tidak akan mampu mengawal semuanya ini tanpa penyertaan dan penglibatan masyarakat. Maka adalah penting dalam "pareto" tanggungjawab kita, usaha untuk mengembangkan penyertaan rakyat diletakkan sebagai tugas penting. Mulai pertengahan tahun ini kita telah mula mengorak langkah untuk mengubah sikap rakyat ke arah yang lebih bertanggungjawab kepada Alam Sekitar dalam apa sahaja aktiviti harian.

Hari ini isu alam sekitar sudah menjadi isu penting di mata dunia. Kepanasan alam, perubahan iklim, pembuangan sisa toksik, pencemaran sungai, kepupusan fauna dan flora, kepelbagaiaan bio adalah isu-isu yang mencabar kepimpinan semua negara, dan mencabar pemikiran para pakar dan saintis. Di negara-negara maju isu alam sekitar sudah diletakkan sebagai isu keselamatan.

Pihak kabinet juga telah memutuskan untuk meletakkan kepentingan Alam Sekitar di peringkat awalan semua aspek perancangan fizikal, sama ada dalam pembangunan tanah, pembangunan industri, dan aspek-aspek pembangunan yang lain, dengan harapan agar Alam Sekitar kita akan dapat dipelihara dengan lebih rapi, agar yang terjejas dipulihkan, dan yang belum terjejas dipelihara.

Wajar diingat ungkapan bahawa "kita hanya meminjam alam ini dari anak cucu kita" dan tanggungjawab kita adalah memeliha ranya untuk mereka.

Sekian terima kasih

A handwritten signature in black ink.

DATO' SERI AZMI BIN KHALID

MENTERI SUMBER ASLI DAN ALAM SEKITAR
KEMENTERIAN SUMBER ASLI DAN ALAM SEKITAR (NRE)

Dari Meja KSU



*Bismillahirrahmanirrahim
Assalamualaikum dan Salam Sejahtera,*

Saya melahirkan rasa syukur ke hadrat Allah S.W.T kerana dengan limpah kurnia-Nya buletin ini dapat diterbitkan. Penerbitan buletin ini merupakan salah satu daripada usaha dalam mendokumentasikan aktiviti-aktiviti Kementerian Sumber Asli dan Alam Sekitar yang lebih dikenali dengan nama akronimnya NRE.

Aktiviti-aktiviti yang dimuatkan di dalam buletin ini diharapkan dapat menjadi input yang berguna kepada pembaca tentang peranan dan aktiviti NRE di samping mengeratkan lagi hubungan silaturrahim di kalangan warga NRE.

Akhir sekali, sekalung ucapan terima kasih kepada semua pihak yang telah berusaha hingga terbitnya buletin NRE edisi pertama ini. Semoga buletin ini menjadi panduan berguna kepada semua dalam melaksanakan tanggungjawab yang diamanahkan dengan sebaiknya, dan seterusnya mencapai matlamat sebenar dalam kehidupan.

DATUK SUBOH BIN MOHD YASSIN
Ketua Setiausaha
Kementerian Sumber Asli dan Alam Sekitar

SIDANG PENGARANG

Penaung

Y.Bhg. Datuk' Suboh bin Mohd Yassin
Ketua Setiausaha
Kementerian Sumber Asli dan Alam Sekitar

Sidang Redaksi

Dr.Amerjit Singh A/L S.Bhag Singh (KUPA)
En. Sait Yaman (UPA)
Cik Mazita Yaakob (UPA)
Cik Norsham Abdul Latip (BPP)
Cik Noorliza Mohd Yaali (PK)
Cik Ys. Nagamma (BPS)
En. Rock Edward (PNK)
Pn. Jacinta Wong Ngouk Hua (UAD)
En.Wong Chee Ching (KAS)
En. Mohd Hanafe Basri (BTM)
En. Mohamad Zaki Mahmud (PSM)
Pn. Hjh.Aisah Mohamed Som (e-Tanah)
Cik Syamsuria Abd. Latip (BTUP)
En.Wan Azwar Zaihan Wan Ahmad (BMG)

Jurufoto

En. Mohd Azhar Mokhtar
Pn. Iswalah Arshad
Pn. Rohaida Hamzah
En. Khairil Izuree Kamiruzaman
En. Mohd Sofuan Ibrahim
En. Sayed Yazid Sayed Jamaluddin Safri
En. Mohd Haidhir Hamzah

Rekabentuk

Pn. Nurul Akmalina Khairuddin (MaCGDI)
Pn. Siti Hajar Mohammad (MaCGDI)

Pihak Sidang Redaksi mengalu-alukan sebarang bentuk cadangan/artikel/komen dari seluruh warga NRE. Sila majukan kepada :

Buletin NRE

Unit Perhubungan Awam,Kementerian Sumber Asli dan Alam Sekitar
Aras 15, No. 25 Persiaran Perdana
Wisma Sumber Asli Presint 4,
62574 Putrajaya
Tel : 03-8886 1568
Faks : 03-8889 4763

Direka dan dicetak oleh :

SALZ-TERACHI DESIGN SDN BHD

Tel : 03-5880 4519 / 03-5880 4591 Faks : 03-5880 4531
emel : salz@po.jaring.my



BULETIN NRE

KEMENTERIAN SUMBER ASLI & ALAM SEKITAR



Perdana Menteri Y.A.B. Dato' Seri Abdullah Ahmad Badawi diiringi oleh Menteri Sumber Asli, Y.B. Dato' Seri Azmi bin Khalid dan Ketua Setiausaha, Datuk Suboh bin Mohd Yassin, menuju ke pentas utama.



Tapak pameran Kementerian Sumber Asli dan Alam Sekitar di pesta Jom Heboh '07 yang diadakan di Queensbay, Pulau Pinang.

KEMPEN KESEDARAN ALAM SEKITAR

• Kesedaran terhadap masalah dan isu alam sekitar haruslah bermula dari peringkat awalan di mana golongan muda khususnya para pelajar dan remaja menjadi kumpulan sasar yang utama. Untuk tujuan itu, Kementerian melaksanakan pelbagai aktiviti kesedaran di sekolah-sekolah yang terpilih. Golongan muda adalah generasi masa depan yang harus dibentuk dan disemai dengan cinta kepada alam sekitar.

• Matlamat akhir kempen Kesedaran Alam Sekitar yang dilaksanakan oleh Kementerian Sumber Asli dan Alam Sekitar diharap dapat :

- (i) Meningkatkan kesedaran rakyat Malaysia khususnya generasi muda akan pentingnya pemuliharaan alam sekitar untuk masa depan negara.
- (ii) Menyuntik semangat dan galakan kepada masyarakat umum agar lebih giat lagi atau proaktif menyokong usaha-usaha memulihara dan melindungi alam sekitar.
- (iii) Membuka pintu bagi kerjasama lebih erat antara agensi-agensi kerajaan, badan-badan bukan kerajaan, institut pengajian tinggi dan masyarakat umum untuk lebih memahami dan mendalami isu-isu alam sekitar yang perlu ditangani oleh semua pihak.

AMALKAN KOD ETIKA NRE, KSU SARANKAN SEMUA WARGA

Dalam amanat yang disampaikan, Dato' KSU turut menyentuh mengenai disiplin kakitangan kementerian. Walaupun prestasi kementerian di tahap membanggakan, namun disiplin yang lebih baik perlu diterapkan. Kakitangan dinasihatkan agar lebih berdisiplin dari segi kehadiran bertugas. Selain itu Dato' KSU menyeru agar semua kakitangan menekan empat perkara iaitu integriti, akauntabiliti, kecekapan pengurusan kewangan serta ketelusan. Dato' KSU juga menyarankan kepada semua kakitangan kementerian supaya menghayati dan mengamalkan nilai-nilai yang terkandung dalam Kod Etika bagi memastikan modal insan yang benar-benar berkualiti akan lahir di kalangan warga kementerian.

Pada Majlis Perhimpunan Bulanan sekali lagi diadakan bertempat di Dewan Baiduri, Kementerian Sumber Asli dan Alam Sekitar (NRE) pada 10 April 2007 yang lalu. Majlis Perhimpunan Bulanan pada kali ini disempurnakan lagi dengan amanat yang disampaikan oleh Y.Bhg. Dato' Suboh bin Mohd Yassin, Ketua Setiausaha NRE.

Di dalam Majlis Perhimpunan Bulanan tersebut, Dato' KSU turut merasmikan pelancaran Program Penghayatan Kualiti NRE tahun 2007. Kemuncak kepada Program Penghayatan Kualiti NRE yang diadakan pada 31 Oktober 2007 dan akan dirasmikan oleh Yang Berhormat Menteri Sumber Asli dan Alam Sekitar. Antara program yang dirancang semasa Hari Kualiti berkenaan termasuklah ceramah mengenai kualiti, pameran serta anugerah bagi pertandingan yang dianjurkan sepanjang tempoh Program Penghayatan Kualiti Tahun 2007.





MESYUARAT MAJLIS MINERAL NEGARA KE- 5

Y.A.B Timbalan Perdana Menteri, Dato' Seri Najib Tun Razak telah mempengerusikan Mesyuarat ke-62 Majlis Tanah Negara di Jabatan Perdana Menteri pada 30 Januari 2007. Mesyuarat ini juga dihadiri oleh Menteri Sumber Asli dan Alam Sekitar, Y. B. Dato' Seri Azmi Khalid, Ketua Setiausaha, Menteri-Menteri Besar serta Ketua-Ketua Jabatan. Sebanyak tiga kertas pertimbangan dan tiga kertas makluman telah dibentangkan dalam mesyuarat kali ini.



Y.A.B Dato' Seri Najib bin Tun Abdul Razak, sedang mempengerusikan Mesyuarat Majlis Mineral Negara Ke-5, di kiri beliau Y.B. Dato' Seri Azmi bin Khalid, Menteri Sumber Asli dan Alam Sekitar dan di sebelah kanan beliau, Y.Bhg. Dato' Suboh bin Mohd Yassin, Setiausaha Majlis Mineral Negara.

PERJUMPAAN KSU DENGAN UTUSAN



Pada 8 Mac 2007 yang lalu, satu Program Kerjasama Pintar Bersama Akhbar Utusan Malaysia diadakan bertempat di Hotel Eastin, Petaling Jaya, Selangor. Program yang mempertemukan Y.Bhg. Dato' Suboh bin Mohd Yassin, Ketua Setiausaha Kementerian Sumber Asli dan Alam Sekitar dengan wakil dari akhbar Utusan Malaysia dan berbentuk ramah mesra ini turut dihadiri oleh Y.Bhg. Datuk Ir. Hj. Keizrul Abdullah, Ketua Pengarah Jabatan Pengairan dan Saliran Encik Badaruddin Mahyudin, Setiausaha Bahagian, Bahagian Pengairan dan Saliran.

Program kerjasama seperti ini diharapkan menjadi pemangkin kepada kesinambungan pertalian yang berterusan di antara pihak Kementerian dengan pihak media khususnya akhbar Utusan Malaysia yang banyak terlibat dalam penulisan artikel mengenai alam sekitar secara eksklusif. Ini adalah kali kedua Unit Perhubungan Awam mengadakan program seumpama ini. Kali pertama program ramah mesra ini diadakan dengan akhbar The Star di Hotel Hilton, Kuala Lumpur pada 13 November 2006.



NRE RETREAT PELAN STRATEGIK 2004 – 2010

**DI AWANA GENTING HIGHLANDS, PAHANG
DARUL MAKMUR**

Salah satu perkara yang terkandung dalam Piagam Pelanggan NRE adalah menggubal dan melaksanakan dasar, strategi dan tadbir urus yang cekap serta berkesan dalam pengurusan sumber asli dan pemulihian alam sekitar selaras dengan aspirasi kerajaan.

Lantaran itu, satu sesi percambahan fikiran di kalangan pihak Pengurusan Tertinggi Kementerian dan Jabatan/Agensi di bawahnya telah diadakan di Awana Genting Highlands, Pahang Darul Makmur pada 23 – 25 Mac 2007. Program yang telah dinamakan NRE Retreat Pelan Strategik 2004 – 2010 ini telah dirasmikan pada 23 Mac 2007 oleh Menteri Sumber Asli dan Alam Sekitar, Y.B. Dato' Seri Azmi bin Khalid.

Antara perkara-perkara yang dibincangkan dalam NRE Retreat ini adalah penggubalan Piagam Pelanggan NRE, kajian dan cadangan semula Pelan Strategik 2004 – 2010 dan pembentangan Pelan Strategik ICT (ISP) 2007 – 2012. Program berakhir pada 25 Mac 2007 dengan rumusan oleh Ketua Setiausaha NRE, Y.Bhg. Datuk Suboh Mohd Yassin serta ucapan penutupan oleh Y.B. Menteri NRE.



RAINWATER UTILISATION COLLOQUIUM

Colloquium Penggunaan Air Hujan yang telah diadakan pada 19 April hingga 20 April 2007 bertempat di Dewan Baiduri, Wisma Sumber Asli (NRE) di Putrajaya, bertujuan untuk mempromosikan amalan sistem penggunaan air hujan yang mampu dimiliki oleh pelbagai premis dan juga berperanan sebagai satu forum untuk berinteraksi dan bertukar ilmu di antara 'stakeholder', merupakan satu kejayaan besar di mana telah menarik minat 120 peserta dari pelbagai pihak termasuklah agensi kerajaan, kerajaan tempatan, pihak universiti, perunding, industri, institusi dan perbadanan di seluruh Negara.

Secara keseluruhan, terdapat 13 pembentangan kertas kerja, termasuklah pembentangan pendahuluan yang dibentangkan oleh Dr. Jessica C. Sales (Pengerusi International Rainwater Catchment Systems Association, IRCSA) dan satu pembentangan utama yang dibentangkan oleh Professor George Kuczera (Professor, University of Newcastle, Australia), telah berjaya dibentangkan dalam enam sesi yang berturutan dalam satu hari setengah ini. NAHRIM dan NRE amat berterima kasih atas sokongan daripada para pembentang kertas kerja dengan memberi kerjasama dan berkongsi ilmu serta pengalaman yang amat bernilai.





TAKLIMAT SARJANA PENTADBIRAN DAN PEMBANGUNAN TANAH SESI 2007/2008 DI INSTUN

Pada 8 Jun 2007, bertempat di Dewan Persidangan telah berlangsung satu sesi Taklimat Sarjana Pentadbiran dan Pembangunan Tanah. Program ini dikendalikan sepenuhnya oleh pihak UTM dan INSTUN merupakan agensi yang bertanggungjawab menyediakan tempat pembelajaran yang melibatkan pelajar dari wilayah Perak, Selangor dan sekitarnya.

Taklimat ini turut dihadiri oleh Pn. Saraya Arbi daripada Bahagian Latihan JPA, Wakil SPACE UTM Prof. Madya Dr. Ismail b. Omar dan Prof. Madya Dr. Megat Mohd Ghazali Megat Abd. Rahman dan dipengerusikan oleh Ketua Bahagian Penyelidikan dan Pembangunan, Tuan Haji Mohd Dollah. Seramai 35 orang telah hadir dalam program taklimat ini yang terdiri daripada kakitangan pejabat tanah dan daerah, JKPTG Negeri, Politeknik dan INSTUN. Sesi pendaftaran diadakan di UTM, Jalan Semarak pada 14 Julai 2007.



Peserta-peserta program Sarjana Tekum mendengar Taklimat yang di berikan oleh pihak INSTUN

PAMERAN PENDIDIKAN SEMPENA HARI KOPERASI SMKA SLIM RIVER

Pada 23 Jun 2007, (Sabtu) INSTUN telah dijemput untuk mengadakan pameran bertempat di Sek. Men. Keb Slim River bersempena dengan Hari Koperasi yang diadakan pada hari tersebut.

Sehubungan itu, beberapa aktiviti telah dijalankan oleh petugas-petugas pameran yang telah dilantik seramai 6 orang. Antaranya ialah peluang untuk menyaksikan sinaran matahari, kuiz, pertukaran tarikh lahir Masihi ke tarikh bulan Islam, pemberian cenderahati INSTUN dan sesi tayangan video Wacana Falak Syarie 2006.

Pameran ini mensasarkan pelajar dan ibu bapa yang hadir untuk berpeluang mendekati dan mengenali INSTUN sebagai sebuah pusat latihan berkaitan tanah dan ukur. Malah, tidak ketinggalan juga agensi-agensi kerajaan turut membuka pameran iaitu JPA3 (Jabatan Pertahanan Awam), Polis, Jabatan Bomba dan Penyelamat serta Jabatan Penjara Malaysia.

Seramai 400 orang telah hadir ke gerai pameran INSTUN. Pameran bermula seawal 7.30 pagi dan tamat di sekitar jam 5.00 petang.



Petugas pameran INSTUN, En. Mahruzzaman dari Bahagian Ukur dan Pemetaan memberi penerangan kepada pelajar-pelajar SMKA Slim River yang berminat dengan peralatan teleskop.



MESYUARAT JAWATANKUASA PEMANDU COORDINATING COMMITTEE FOR GEOSCIENCE PROGRAMMES IN EAST AND SOUTHEAST ASIA (CCOP) KE 49

Mesyuarat Jawatankuasa Pemandu Coordinating Committee for Geoscience Programmes in East and Southeast Asia (CCOP) Ke-49 telah diadakan pada 17-20 April 2007 di Langkawi, Malaysia. Seramai 35 peserta terdiri daripada 27 orang dari luar negara dan 8 orang dari Malaysia telah menghadiri mesyuarat ini. Peserta dari luar negara adalah dari Indonesia, Filipina, Thailand, Vietnam, Kemboja, Papua New Guinea, Republik Korea, Jepun dan China. Delegasi Malaysia ke Mesyuarat telah diketuai oleh Encik Yunus Abdul Razak, Ketua Pengarah Jabatan Mineral dan Geosains (JMG) dan terdiri daripada pegawai-pegawai kanan Kerajaan serta wakil dari Petronas. Mesyuarat ini telah membincangkan isu-isu dan cadangan projek di bawah program geosains bagi manfaat negara-negara anggota CCOP.

Malaysia telah mengemukakan beberapa cadangan projek untuk dikendalikan di bawah CCOP di masa hadapan. Antaranya ialah program pemprosesan data geokimia, geofizikal dan geologi, program penyelidikan dan pembangunan dalam sumber mineral perindustrian, seminar tentang gas hydrates serta program penilaian dan pemantauan sumber air tanah. Sesi Tahunan CCOP Ke-44 dan Mesyuarat ke-50 Jawatankuasa Pemandu CCOP akan diadakan di Cebu, Filipina pada 21-28 Oktober 2007.

MAJLIS PELANCARAN BAKAU

Program Penanaman Pokok Bakau dan Spesis-Spesis Yang Sesuai Di Persisiran Pantai Negara Peringkat Kebangsaan

Pada 2 Februari 2007, Perdana Menteri Malaysia, Y.A.B Dato' Seri Abdullah bin Haji Ahmad Badawi telah menyempurnakan Majlis Pelancaran Program Penanaman Pokok Bakau dan Spesis-Spesis Yang Sesuai di Persisiran Pantai Negara. Majlis yang julung kali diadakan di peringkat kebangsaan ini telah berlangsung di Kg. Baru Pulai Sayak, Kota Kuala Muda, Kedah.



Dalam ucapannya Y.A.B Perdana Menteri di majlis tersebut, merakamkan rasa bangga dengan inisiatif Kementerian Sumber Asli dan Alam Sekitar terutamanya Y.B Dato' Seri Azmi bin Khalid, Menteri Sumber Asli dan Alam Sekitar dalam menjayakan program penanaman bakau ini di seluruh negara. Kejayaan program ini pasti akan terhasil dengan kepakaran dan kerjasama daripada semua pihak termasuk penduduk tempatan dan badan-badan bukan kerajaan.





NRE-UNDP-GEF FUNDED PROJECT INCEPTION WORKSHOP CAPACITY BUILDING ACTIVITIES ON BIOSAFETY

Opening Ceremony By :
Y.B. Dato' S. Sothnathan,
Deputy Minister
Ministry of Natural Resources And Environment

19 July 2007, Hotel Equatorial Bangi, Selangor





BULETIN NRE

KEMENTERIAN SUMBER ASLI & ALAM SEKITAR



BUANG SIKAP TIDAK AMBIL PEDULI

Tahukah anda kerajaan terpaksa membelanjakan berbilion-bilion ringgit untuk memulihara alam sekitar yang mengalami kes kerosakan akibat pembangunan yang berpunca daripada sikap negatif manusia. Sebagai contoh lebih RM1 bilion telah diperuntukkan untuk membaik pulih kawasan akibat banjir di Johor sebelum ini yang turut memusnahkan peralatan dan rumah orang ramai. Ia sebenarnya boleh dielakkan sekiranya rakyat negara kita sentiasa peka dengan pemuliharaan alam sekitar di kawasan masing-masing. Rakyat Malaysia perlulah memberi sokongan bagi memastikan keindahan alam sekitar dapat dikelakkan untuk manfaat secara langsung kepada orang ramai.

Selain dapat menjamin kesihatan manusia dan kebersihan alam sekeliling, alam sekitar yang bersih mampu menghasilkan lanskap lebih cantik. Memelihara alam sekitar ini tidak boleh dilakukan oleh kerajaan sahaja tetapi sebaliknya ia mesti dilakukan bersama oleh semua rakyat Malaysia. Persekutuan yang bersih sekaligus dapat menggalakkan pelancongan. Pencemaran hanya akan merugikan rakyat Malaysia sendiri contohnya ikan-ikan yang bernilai tinggi akan pupus begitu sahaja. Kini isu-isu berkaitan alam sekitar bukan sahaja isu tempatan tetapi turut disuarakan di peringkat antarabangsa memandangkan ia berkaitan dengan keselamatan dan perdagangan dunia.



Majlis Menandatangani Kontrak e-Kadaster

e-Kadaster merupakan projek pembangunan yang dilaksanakan oleh Jabatan Ukur dan Pemetaan Malaysia (JUPEM) di bawah Rancangan Malaysia Ke-9. Projek yang mula dilaksanakan pada tahun 2007 ini adalah sangat penting kepada JUPEM kerana ia akan merubah senario aktiviti ukuran hak milik tanah, strata dan juga stratum sama ada dari segi prosedur kerja maupun kaedah pemprosesan data.

Upacara penyerahan kontrak oleh Y.Bhg. Datuk Suboh bin Mohd Yasin, Ketua Setiausaha, Kementerian Sumber Asli dan Alam Sekitar kepada Encik Aminudin bin Mustapha, Pengarah Eksekutif, Precision Portal Sdn. Bhd.



Bagi melaksanakan projek ini, JUPEM telah mengadakan Majlis Menandatangani Kontrak eKadaster (T8/2006) antara Kementerian Sumber Asli dan Alam Sekitar dengan Precision Portal Sdn. Bhd. pada 25 Januari 2007, bertempat di Bilik Mutiara, Wisma Sumber Asli, Putrajaya. Majlis ini telah dipengerusikan oleh Y.B. Dato' Sazmi Miah, Setiausaha Parlimen, Kementerian Sumber Asli dan Alam Sekitar.

Ucapan pembukaan oleh Y.B. Dato' Sazmi Miah, Setiausaha Parlimen, Kementerian Sumber Asli Dan Alam Sekitar.



INCEPTION WORKSHOP

National Capacity Needs Self Assessment for Global Environmental Management (NCSA)

Bengkel satu hari ini telah diadakan pada 26 Mac 2007 bertempat di Dewan Baiduri, NRE. Bengkel ini diadakan bertujuan untuk memperkenalkan kepada stakeholders mengenai objektif, metodologi, dan peranan NCSA serta memberi peluang kepada stakeholders untuk memberi maklumbalas berkenaan proses NCSA.

Puan Fatimah Raya Nasron selaku TKSU I telah merasmikan bengkel ini yang disertai oleh seramai 70 orang peserta dari pelbagai agensi kerajaan, badan bukan kerajaan dan swasta. Antara aktiviti yang telah dijalankan adalah pengenalan kepada NCSA di Malaysia, perbincangan dan pertemuan secara berkumpulan.



Photo 1: Dr. Lian Kok Fei,
National Project Director
giving his presentation on 'The
Roles, Functions and
Responsibilities of
Stakeholders in NCSA
Process'



Photo 2: Participants divided
into 3 working groups during
the break-out session



Photo 3: Group photo of workshop participants

Pre-Mobilization Workshop, Malaysia Marine Research Survey (MyMRS)



Ucapan perasmian
oleh Datuk Hamid
Ali selaku Pengurusi
Kumpulan Kerja
Pelantar Benua
Malaysia.

Pre-Mobilization Workshop di bawah projek Malaysia Marine Research Survey (MyMRS) anjuran bersama Jabatan Ukur dan Pemetaan Malaysia (JUPEM), PETRONAS dan TL Geosciences Sdn. Bhd. telah diadakan pada 7 dan 8 Februari 2007 di Hotel Marriot, IOI Resort, Putrajaya. Pre-Mobilization Workshop ini telah dirasmikan oleh Y. Bhg. Datuk Hamid Bin Ali, Ketua Pengarah Ukur dan Pemetaan Malaysia selaku Ketua Kumpulan Kerja Pelantar Benua. Bengkel ini diadakan bertujuan bagi membentangkan kertas-kertas kajian hasil secondary data review oleh pakar-pakar yang dilantik sebagai persiapan kepada ahli-ahli Pasukan Kerja Teknikal Pelantar Benua yang terlibat dalam misi pengukuran dan kerja-kerja pemantauan bagi projek MyMRS yang akan dilaksanakan bermula Mac hingga Julai 2007.

Majlis perasmian bengkel tersebut turut dihadiri oleh Y. Bhg. Dato' Dr. Abu Bakar bin Jaafar, Ahli Suruhanjaya Commision on the Limits of the Continental Shelf (CLCS) merangkap Penasihat Jawatankuasa Pelantar Benua Malaysia, Tuan Hj. Mohd Yunus bin Abdul Razak, Ketua Pengarah Jabatan Mineral dan Geosains Malaysia, Kapten Sahak bin Omar, Ketua Pengarah Pusat Hidrografi Nasional, Y. Bhg. Dato' Dr Abdul Kadir Taib Timbalan Ketua Pengarah Ukur dan Pemetaan Malaysia, Encik Ahmad Fauzi Nordin Pengarah Ukur Bahagian Pemetaan JUPEM, Encik Abdullah bin Karim Vice President Exploration and Business PETRONAS dan pegawai-pegawai daripada JUPEM, JMG, Pusat Hidrografi Nasional, Majlis Keselamatan Negara Jabatan Perdana Menteri), Jabatan Peguam Negara, Wisma Putra (Kementerian Luar Negeri), MIMA, Petronas Carigali Sdn. Bhd dan TL GeoSciences Sdn. Bhd.



Pegawai daripada pelbagai agensi
yang terlibat dalam Projek Pelantar
Benua Malaysia yang hadir sebagai
peserta Pre-Mobilization workshop



*Malam Puisi Sempena
Hari Air Sedunia*



WORLD WATER DAY

Sambutan Hari Air Sedunia (World Water Day) telah diadakan pada 12, 13 dan 14 April 2007 yang lalu. Y.A.B. Dato' Seri Haji Idris bin Jusoh selaku Menteri Besar Terengganu telah merasmikan sambutan yang diadakan di Pusat Dagangan Terengganu atau dikenali juga sebagai Terengganu Trade Center (TTC). Tema sambutan World Water Day pada tahun 2007 ialah 'Coping With Water Scarcity' iaitu berkenaan mengenai masalah berkaitan kekurangan air. Mengimbas kembali sejarah sambutan World Water Day ini, ia telah diisytiharkan oleh Penubuhan Bangsa-Bangsa Bersatu (PBB) pada 22 Mac setiap tahun dan telah disambut di Malaysia sejak tahun 1994.

ia juga merupakan satu aktiviti di bawah penganjuran Jawatankuasa Kebangsaan Malaysia International Programme (MIHP) dan JPS dengan kerjasama Kerajaan Negeri Terengganu, beberapa jabatan di bawah NRE, Kementerian Pertanian dan Industri Asas Tani, Kementerian Pelajaran Malaysia, badan bukan kerajaan dan juga sektor swasta. MIHP merupakan satu badan yang mewakili Malaysia dalam program UNESCO yang mana dipengerusikan oleh Y.Bhg. Dato' Paduka Ir. Hj. Keizrul bin Abdullah, Ketua Pengarah Jabatan Pengairan dan Saliran Malaysia merangkap Pengerusi Jawatankuasa Induk Sambutan Water World Day 2007.





PAMERAN

Jabatan Alam Sekitar telah mengadakan beberapa pameran bergerak sebagai salah satu mekanisme untuk menyampaikan maklumat tentang kepentingan alam sekitar.

Antaranya :

1. Pameran Raptors, Tanjung Tuan, Melaka (10-11 Mac 2007)
2. Pameran Smart Tunnel, Sungai Besi (11 Mac 2007)
3. Pameran Perpustakaan Negara (24 Mac 2007)
4. Pameran Alam Sekitar di UiTM (16-18 April 2007)
5. Pameran Alam Sekitar di UKM (12 April 2007)
6. Pameran REHDA (25 – 27 Mei 2007)
7. Pameran Alam Sekitar di UPM (23 Mei 2007)
8. Pameran Sempena Hari Alam Sekitar di HSBC, Cyberjaya (2 Jun 2007)
9. Pameran Sempena Hari Alam Sekitar di Carrefour Wangsa Maju dan Alamanda Putrajaya (9-10 Jun dan 13 Jun 2007)





**MESYUARAT JAWATANKUASA
TINDAKAN PEMBANGUNAN
KEMENTERIAN (JTPK) DI KUCHING
SARAWAK
(11 HINGGA 13 MEI 2007)**



Pada 11 Mei hingga 13 Mei 2007 telah diadakan Mesyuarat Jawatankuasa Tindakan Pembangunan Kementerian (JTPK) Bil. 2/2007 di Kuching, Sarawak yang dipengerusikan oleh KSU NRE, Y.Bhg. Datuk Suboh bin Mohd Yassin. Mesyuarat yang diadakan setiap dua bulan sekali dan dihadiri oleh semua ketua jabatan ini bertujuan untuk membentangkan kemajuan fizikal dan kewangan projek-projek pembangunan RMK-9 agensi dan bahagian di bawah NRE yang dipantau oleh Seksyen Pembangunan Bahagian Perancangan Korporat. Selaras dengan gesaan Y.A.B Perdana Menteri yang menekankan tahun 2007 adalah tahun pelaksanaan projek, kementerian begitu serius dalam memastikan pelaksanaan projek pembangunan dibuat segera dan keutamaan diberikan kepada projek-projek yang memberi impak besar kepada rakyat.



Di masa yang sama, pada 12 Jun 2007 bertempat di Semenggoh, Kuching telah diadakan upacara perasmian bangunan bank biji benih yang disempurnakan oleh Y.Bhg. Datuk Suboh bin Mohd Yassin. Bangunan yang berharga RM 695 ribu ini akan dijadikan pusat pentadbiran bagi projek penyimpanan dan penyelidikan dan pembangunan (R&D) biji benih bagi seluruh negeri Sarawak.

**PERSEDIAAN MESYUARAT
JAWATANKUASA SEMPADAN
MALAYSIA – INDONESIA KE-31
DAN
MESYUARAT MAJLIS TANAH
NEGARA KE-63**

Setiap tahun, Bahagian Tanah, Ukur dan Pemetaan melalui Seksyen Ukur akan menguruskan / menghadiri mesyuarat persempadan antarabangsa. Salah satu mesyuarat yang diadakan secara berjadual setiap tahun adalah Mesyuarat Jawatankuasa Bersama Sempadan Malaysia –Indonesia.

Bahagian Tanah, Ukur dan Pemetaan dengan kerjasama daripada Pihak Jabatan Ukur dan Pemetaan Malaysia (JUPEM) pada tahun ini akan mengurussetiakan mesyuarat tersebut untuk kali ke-31 bertempat di Awana Genting, Genting Highland. Delegasi dari Indonesia akan tiba pada 4 Julai 2007 dan mesyuarat tersebut akan bermula pada 5 Julai 2007 serta berakhir pada 8 Julai 2007.

Persediaan untuk mengadakan mesyuarat ini dilakukan awal tahun lagi agar tiada sebarang ketidak sempurnaan sepanjang masa mesyuarat berlangsung.

Selain itu, Bahagian Tanah, Ukur dan Pemetaan juga sedang dalam persediaan untuk mengadakan Mesyuarat Majlis Tanah Negara Ke-63 dan dijangka akan diadakan pada bulan Ogos 2007. Mesyuarat tersebut akan dipengerusikan oleh Timbalan Perdana Menteri Malaysia, Y.A.B Dato' Seri Mohd Najib Tun Razak dan akan membincangkan berkenaan dengan isu-isu tanah di seluruh Semenanjung Malaysia.

Persediaan berkenaan mesyuarat ini juga telah diadakan sejak awal tahun lagi di mana format maklum balas ke atas Minit Mesyuarat MTN ke-62 telah diedarkan kepada semua ahli MTN bagi mendapatkan maklum balas berkenaan isu yang telah dibincangkan semasa mesyuarat.



MALAYSIA-SINGAPORE JOINT COMMITTEE (MSJCE)



Mesyuarat Ke-6 Malaysia-Singapore Joint Committee (MSJCE) telah diadakan pada 16-17 April 2007. Bersempena dengan Tahun Melawat Malaysia 2007, mesyuarat ini telah diadakan di Kuantan sempena mengiktiraf bandar tersebut yang dianugerahkan Bandar Lestari-Anugerah Alam Sekitar 2006/2007.

Mesyuarat tersebut dipengerusikan bersama oleh Y.B Dato' Hajah Rosnani Ibarahim, Ketua Pengarah Jabatan Alam Sekitar, Malaysia dan Mr. Lee Yuen Hee, Ketua Pegawai Eksekutif National Environment Agency (NEA), Singapura

Ahli-ahli MSJCE yang sedang bermesyuarat.

MESYUARAT JAWATANKUASA KEBANGSAAN PENANDAAN DAN PENGUKURAN SEMPADAN BERSAMA NEGERI (JKPPSBN)

Pada 2 Mac 2007, telah diadakan satu Mesyuarat Jawatankuasa Kebangsaan Penandaan dan Pengukuran Sempadan Bersama Negeri (JKPPSBN) kali pertama untuk tahun 2007. Mesyuarat tersebut yang dipengerusikan oleh Y.Bhg. Dato' Suboh bin Mohd Yassin, Ketua Setiausaha Kementerian Sumber Asli dan Alam Sekitar telah diadakan di Bilik Mesyuarat Mutiara, Aras 13 di Wisma Sumber Asli

Bahagian Tanah, Ukur dan Pemetaan bertindak selaku urus setia untuk mesyuarat ini. Seksyen yang terlibat secara langsung adalah Seksyen Ukur dan pegawai yang bertanggungjawab adalah Encik Yahya Che' Wil (KPSU (U)) dan Encik Azlim Khan (PSU (U) 2). Di dalam mesyuarat, tersebut 5 kertas yang telah dibincangkan iaitu :

- Kedudukan Semasa Akaun Amanah
- Anggaran Kos Penandaan dan Pengukuran Sempadan Antara Negeri-negeri di Semenanjung
- Program Penandaan dan Pengukuran Sempadan Negeri-negeri di Semenanjung Bagi Tahun 2007
- Isu-isu Persempadanan Di Antara Wilayah Persekutuan dan Negeri Selangor
- Sempadan Maritim Di Antara Negeri-negeri Di Semenanjung

Dalam mesyuarat tersebut juga, Y.Bhg. Dato' Pengurus berharap agar semua perwakilan dapat sama-sama berusaha menyelesaikan masalah tunggakan di pejabat tanah; khususnya ke atas 4 bidang tunggakan yang kritikal, iaitu pemberimilikan tanah, urusniaga bukan urus niaga, pertukaran kepada QT kepada FT dan permohonan hak milik strata. Beliau juga memaklumkan kerajaan bersedia mempertimbangkan bantuan seperti perkakasan dan kakitangan sekiranya tidak mencukupi.



BULETIN NRE

KEMENTERIAN SUMBER ASLI & ALAM SEKITAR



KEMPEN KESEDARAN ALAM SEKITAR





KES TANGKAPAN PENYELUDUPAN TENGGILING DI KG. TOK MAJAM, BEKELAM, BACHOK, KELANTAN

Bachok, 31 Januari 2007- Bertindak atas maklumat orang ramai, sepasukan 12 anggota penguatkuasaan Jabatan PERHILITAN Negeri Kelantan telah menahan sebuah lori jenis HICOM di kampung Alor Tok Majam, Bekelam di dalam daerah Bachok Kelantan jam 12.40 malam. Hasil pemeriksaan didapati seorang lelaki berbangsa Melayu memiliki 288 ekor Tenggiling (*Manis javanica*) yang masih hidup di dalam 36 bakul plastik di dalam lori tersebut.

Setelah disoal siasat, lelaki tersebut tidak memiliki dokumen kebenaran dari pihak Jabatan PERHILITAN. Sehubungan dengan itu, barang-barang berkenaan dirampas dan satu laporan polis telah dibuat di Balai Polis Bachok. Kes ini telah dirujuk kepada Timbalan Pendakwa Raya dan dua pertuduhan dikenakan iaitu di bawah Seksyen 64 (2) (a) dan Seksyen 92 (1) (c) Akta Perlindungan Hidupan Liar, Tahun 1972.

5 Februari 2007- Mahkamah Bachok telah menjatuhkan hukuman denda bagi Pertuduhan Pertama RM 3,000.00 atau 10 bulan penjara, manakala denda bagi Pertuduhan Kedua RM 2,000.00 atau 6 bulan. Tertuduh telah membayar semua denda. Kesemua Tenggiling tersebut telah dilepaskan di Taman Negara Kelantan.



Ucapan perasmian Hari Tanah Lembap Sedunia oleh Setiausaha Parliment NRE, Y.B. Dato' Sazmi Miah



Penyampaian cenderahati oleh Y.Bhg. Ketua Pengarah PERHILITAN En Abd Rasid Samsudin kepada Setiausaha Parliment NRE, Y.B. Dato' Sazmi Miah

HARI TANAH LEMBAP SEDUNIA 2007: FISH FOR TOMORROW?

Jabatan PERHILITAN telah menganjurkan Majlis Sambutan Hari Tanah Lembap Sedunia 2007 pada 4 Mac 2007 bertempat di Santuari Burung Kuala Gula, Perak Darul Ridzuan. Majlis telah dimulakan dengan ucapan aluan dari Y.Bhg. Ketua Pengarah PERHILITAN dan disusuli dengan ucapan perasmian oleh YB Dato' Sazmi Miah, Setiausaha Parliment Kementerian Sumber Asli dan Alam Sekitar selaku wakil Menteri Sumber Asli dan Alam Sekitar.

Pelbagai aktiviti telah dijalankan sepanjang hari tersebut antaranya adalah acara melepaskan burung Botak Upah, lawatan dan pemerhatian burung-burung laut di persekitaran Kuala Gula dengan menaiki bot, pertandingan mewarna, kuiz dan sebagainya.

Perayaan Hari Tanah Lembap Sedunia ataupun World Wetlands Day dikendalikan setiap tahun di peringkat antarabangsa. Ianya bertujuan menyedarkan orang ramai tentang kepentingan ekosistem tanah lembap dari segi sumber bekalan air, kawalan banjir, penghalang ribut, kawalan hakisan pantai, pelancongan dan pemuliharaan biodiversiti.

Majlis Pelancaran Malaysia Marine Research Survey (MyMRS)



Upacara perasmian projek Malaysia Marine Research Survey (MyMRS) oleh En Abd Rahim bin Hussin, Pengarah Bahagian Dasar keselamatan Maritim, MKN sambil diiringi oleh Encik Ahmad Fauzi bin Nordin, Pengarah Ukur Bahagian (Pemetaan) JUPEM

Pegawai JUPEM yang terlibat dalam projek MyMRS bersama Encik Ahmad Fauzi Nordin, Pengarah Ukur Bahagian (Pemetaan), Encik Tan Ah Bah, Pengarah Ukur Seksyen (Ehwal Persempadanan) selaku Ketua Pasukan Kerja Teknikal Pelantar Benua dan Encik Zakaria bin Saat, Pengarah Ukur Topografi Sabah

Pada 22 Mac 2007, Majlis Pelancaran Malaysia Marine Research Survey (MyMRS) telah diadakan di Borneo Pulp Wharf, Pelabuhan Bintulu Sarawak. Majlis ini telah dirasmikan En. Abd Rahim Bin Hussin, Pengarah Bahagian Dasar Keselamatan Maritim, Majlis Keselamatan Negara, Jabatan Perdana Menteri mewakili Y. Bhg. Dato' Muhammad Hatta bin Ab. Aziz, Setiausaha Majlis Keselamatan Negara merangkap sebagai Pengurus Jawatankuasa Pelantar Benua Malaysia. Majlis pelancaran yang dianjurkan secara bersama oleh Majlis Keselamatan Negara, Jabatan Ukur dan Pemetaan Malaysia (JUPEM) dan TL Geosciences Sdn. Bhd. menandakan bermulanya pelaksanaan Malaysia Marine Research Survey (MyMRS). MyMRS dilaksanakan dengan menggunakan kapal M.V. Teknik Perdana bagi membuat pengukuran dan pengumpulan data-data GPS, seismic, batimetri, magnetik dan graviti bertujuan bagi membuat justifikasi teknikal dan submission kepada Suruhanjaya Mengenai Had-had Pelantar Benua (Commission on the Limits of the Continental Shelf (CLCS))

Kapal M.V.Teknik Perdana yang digunakan dalam pelaksanaan kerja-kerja pengumpulan data projek MyMRS.



Lawatan Sambil Belajar Pegawai Kerajaan Sudan Ke Jabatan Ukur dan Pemetaan Malaysia (JUPEM)



15 orang Pegawai Kerajaan Sudan dan kakitangan syarikat Global Infoskills Sdn. Bhd bersama Encik Ahamad Bin Zakaria dan beberapa orang pegawai JUPEM.

Pada 14 Jun 2007, JUPEM telah menerima lawatan sambil belajar oleh 15 orang pegawai kerajaan Sudan yang dibawa oleh syarikat Global Infoskills Sdn. Bhd. di bawah program latihan Sistem Maklumat Geografi (GIS) - Pentadbiran dan Pengurusan. Lawatan tersebut merupakan salah satu aktiviti program latihan yang dianjurkan oleh syarikat berkenaan bagi memperlihatkan pelaksanaan dan pembangunan teknologi maklumat di Malaysia khususnya dalam pentadbiran dan pengurusan jabatan kerajaan. Lawatan selama hampir dua jam itu telah disambut baik oleh JUPEM yang diwakili oleh Encik Ahamad Bin Zakaria, Pengarah Ukur, Seksyen Perancangan, Penyelidikan dan Pembangunan.

Program lawatan tersebut telah dimulakan dengan majlis taklimat ringkas yang disampaikan oleh Encik Ahamad Zakaria di Bilik Mesyuarat CAMS, seterusnya diikuti dengan lawatan ke Unit Pendigitan Fotogrametri, Seksyen Penawanan Data di Bangunan CAMS, JUPEM.

Penerangan tentang kerja-kerja pendigitan fotogrametri oleh kakitangan Seksyen Penawanan Data, JUPEM.



Penyampaian Taklimat Ringkas oleh Encik Ahamad Bin Zakaria, Pengarah Ukur, Seksyen Perancangan, Penyelidikan dan Pembangunan, JUPEM.



MESYUARAT PERANCANGAN RANCANGAN KERJA TAHUNAN (RKT) 2007



Gambar Yang Berbahagia Dato' Zool Azha bin Yusof bersama semua pengarah seksyen JKP dan peguam Kanan Persekutuan JKPTG.

Jabatan Ketua Pengarah Tanah Dan Galian (JKPTG) dengan jayanya telah melangsungkan Mesyuarat Perancangan (RKT) 2007. Mesyuarat perancangan RKT 2007 telah dipengerusikan oleh Yang Berbahagia Dato' Zool Azha bin Yusof, Ketua Pengarah Tanah dan Galian.

Objektif utama mesyuarat tersebut adalah untuk membincangkan status semua projek yang sedang dijalankan oleh JKPTG.

Mesyuarat ini telah dihadiri oleh semua pengarah seksyen di JKPTG.

PERSIDANGAN ISU-ISU PENUKARAN HAKMILIK SEMENTARA (QT) KEPADА HAKMILIK TETAP (FT)



Tarikh : 5-7 Mac 2007
Tempat : Hotel Bayview, Melaka
Anjuran : Seksyen PASUKAN PETUGAS KHAS, JKPTG

Jabatan Ketua Pengarah Tanah Dan Galian (JKPTG) dengan jayanya telah menganjurkan persidangan isu-isu penukaran hakmilik sementara (QT) kepada hakmilik tetap(FT). Persidangan tersebut telah dirasmikan oleh Encik Abdul Halim Bin Ain, Timbalan Ketua Pengarah Tanah Dan Galian, Bahagian Kemajuan Pengurusan Dan Perundangan, JKPTG. Antara objektif persidangan tersebut adalah :

1. Memberi kefahaman tentang tatacara yang betul bagi pengendalian proses urusan penukaran hakmilik sementara (QT) kepada hakmilik tetap(FT)
2. Berkongsi amalan terbaik dan kejayaan negeri-negeri dalam urusan penukaran QT kepada FT.
3. Menyeragamkan proses penukaran QT kepada FT bagi dokumen yang tidak mempunyai maklumat yang lengkap atau fail yang tidak dapat dikesan, dan
4. Menghasilkan resolusi yang menerapkan strategi dan langkah-langkah berkesan bagi mempertingkatkan prestasi penyelesaian tunggakan urusan penukaran QT kepada FT.



Ketua Pengarah Tanah dan Galian Merasmikan Bilik Program Minda Kelas Pertama



Dewan Baiduri, Kementerian Sumber Asli & Alam Sekitar

Turut sama diadakan pada majlis itu ialah Pelancaran Folder Rujukan Korporat JKPTG, Folder Korporat Pasukan Petugas Khas JKPTG, Buletin Kembara Ilmu dan Jawatankuasa Golf JKPTG. Jawatankuasa Golf, JKPTG telah ditubuhkan untuk menggalakkan warga JKPTG berjaya aktif dalam aktiviti sukan secara am dan permainan golf khasnya. Ini adalah selaras dengan hasrat kerajaan yang menggalakkan gaya hidup sihat, di samping melahirkan penjawat-penjawat awam berfikiran minda kelas pertama.

Folder Rujukan korporat JKPTG mengandungi sebanyak tujuh cetakan yang merupakan panduan kepada semua warga jkptg. Folder korporat pasukan petugas khas JKPTG pula merupakan panduan kepada semua anggota pasukan petugas khas JKPTG dalam melaksanakan tugas mereka.

Bilik program minda kelas pertama telah dilahirkan oleh Yang Berbahagia Dato' Zoal Azha Bin Yusof, dan nama ini adalah selaras dengan hasrat Perdana Menteri untuk meningkatkan keupayaan pengetahuan dan inovasi negara serta memupuk minda kelas pertama.



Taklimat dan Mesyuarat Pindaan Kanun Tanah Negara 1965, Akta Pusaka Kecil (Pembahagian) 1955 dan Akta Pelantar Benua 1966

Tempat : Puteri Resort, Ayer Keroh, Melaka

Tarikh : 16 & 17 April 2007

Seksyen Penyelidikan dan Perancangan. Jabatan Ketua Pengarah Tanah dan Galian (JKPTG) telah menganjurkan taklimat dan mesyuarat pindaan Kanun Tanah Negara 1965, Akta Pusaka Kecil (Pembahagian) 1955 dan Akta Pelantar Benua 1966. Taklimat dan Mesyuarat diadakan bertujuan untuk memberi penerangan mengenai cadangan pindaan ke atas KTN 1965, Akta Pusaka Kecil (Pembahagian) 1955 dan Akta Pelantar Benua 1966



Objektif

- I. Memberi penerangan mengenai cadangan pindaan ke atas KTN 1965, Akta Pusaka Kecil (Pembahagian) 1955 dan Akta Pelantar Benua 1966.
2. Meneliti draf cadangan pindaan khususnya mengenai cadangan pindaan bagi tujuan pelaksanaan Sistem e-Tanah yang dijangka akan dimulakan pada tahun ini.
3. Mendapatkan pandangan dan maklumbalas mengenai draf cadangan pindaan daripada Pengarah-Pengarah Tanah dan Galian Negeri (PTG) dan pihak Jabatan Peguam Negara.



EKSPEDISI BERAKIT ANTARABANGSA DI SUNGAI PAHANG

Pertama kali, INSTUN telah menyertai Ekspedisi Berakit di Sungai Pahang bersempena dengan Tahun Melawat Malaysia 2007. Ekspedisi ini berlangsung selama 10 hari bermula dari 27 April 2007 hingga 10 Mei 2007. Seramai 10 orang kakitangan INSTUN terlibat dengan program anjuran Kerajaan Negeri Pahang pada tahun ini. Ekspedisi ini melibatkan sejauh 329 km, bermula di Kuala Lipis dan tamat di bandar Pekan, Pahang.

Ekspedisi ini diketuai oleh En. Bernard Sia Siew Fang. Upacara perasmian melepaskan pasukan ekspedisi ini telah disempurnakan oleh En. Rahim b. Mohd Salleh, Ketua Bahagian Ukur dan Pemetaan.

Walaupun tewas namun semua anggota pasukan telah menunjukkan semangat perjuangan yang cukup tinggi. Tahniah dan syabas diucapkan di atas keberanian wira-wira INSTUN dan diharapkan terus mencuba di masa akan datang.



SEDIA : Pasukan INSTUN bersedia untuk memberikan cabaran kepada peserta yang berpengalaman.



MESYUARAT DAN SESI BRAINSTORMING DASAR MINERAL NEGARA (KAJIAN SEMULA), PELAN INDUK INDUSTRI MINERAL NEGARA DAN HALA TUJU SEKTOR MINERAL DAN GEOSAINS NEGARA.

Mesyuarat dan sesi 'brainstorming' ini telah diadakan di Hotel Vistana, Kuantan dari 4 – 7 April 2007. Seramai 38 orang peserta terdiri daripada wakil Kementerian, Jabatan Mineral dan Geosains, wakil IPTA, dan pihak industri turut serta dalam sesi ini bagi membincangkan kajian semula Dasar Mineral Negara, Pelan Induk Industri Mineral Negara dan hala tuju sektor mineral dan geosains negara.



Seorang peserta sedang membentangkan hasil perbincangan



Puan Thoong Lay Chooi, Setiausaha Bahagian Mineral dan Geosains sedang mempengerusikan sesi brainstorming.



Sesi brainstorming yang disertai oleh wakil BMG, JMG, IPTA dan pihak industri.



Pengarah Pusat Penyelidikan Mineral (PPM) sedang membentangkan hasil perbincangan.

SEPINTAS LALU : PROJEK e-TANAH

KEMENTERIAN SUMBER ASLI DAN ALAM SEKITAR

OBJEKTIF

Membangunkan satu sistem pengurusan dan pentadbiran tanah yang bersepudu melalui penggunaan teknologi maklumat dan komunikasi (ICT) sepenuhnya bagi mempercepatkan dan meningkatkan sistem penyampaian transaksi tanah dan perkhidmatan lain yang berkaitan kepada orang awam.

Pelaksanaan e-Tanah diharapkan:

- Akan mengubah persepsi orang ramai terhadap pentadbiran tanah
- Meningkatkan kecekapan dan kredibiliti pentadbiran tanah
- Meningkatkan ekonomi negara melalui urusan tanah yang lebih cepat dan cekap

ADAPTASI SISTEM DALAM SISTEM E-TANAH

NEGERI	SISTEM	TUJUAN
Melaka & Negeri Sembilan Pahang Perak	LARIS SHTB SPHT Online	Urusan kutipan hasil dan cukai tanah
Melaka	e-MMKN	Urusan penyediaan Ulasan Teknikal, penyediaan kertas MMK, penyediaan Agenda dan Minit MMK serta pengagihan dan pemantauan keputusan
Selangor	Sistem Permohonan Strata	Urusan Permohonan Pecah Bahagi Bangunan
Perak	SPTP	Urusan permohonan pelupusan tanah secara pemberimilikan
Terengganu	e-Consent	Urusan kebenaran pindahmilik / gadaian

HUBUNGKAIT PELANGGAN DENGAN SISTEM E-TANAH



CIRI-CIRI APLIKASI e-TANAH

- Sistem berdasarkan teknologi web
- Sistem bersepudu dan seragam
- Mengambil kira keperluan semua negeri
- Integrasi dan adaptasi dengan sistem sedia ada
- Mengambil kira tahap keselamatan
- Gabungan konsep sistem berpusat dan teragih (*Hybrid System*) di antara PTG dan PTD
- Merupakan sistem pengurusan proses aliran kerja (*workflow system*)



Pertandingan Cerpen

Pihak Sidang Redaksi Buletin NRE mengalu-alukan warga NRE mengasah bakat untuk menulis cerpen dengan menganjurkan "Pertandingan Menulis Cerpen untuk Buletin NRE". Cerpen berkenaan hendaklah bertemakan alam sekitar. Karya tersebut perlu dimajukan kepada Unit Perhubungan Awam NRE. Cerpen yang terpilih akan dimuatkan ke dalam edisi Buletin NRE yang seterusnya. Cenderahati akan diberikan kepada cerpen yang terpilih untuk diterbitkan.

Di samping itu, sebarang maklumbalas dan pandangan berhubung dengan Kempen Kesedaran Alam Sekitar adalah amat dialu-alukan serta boleh dialamatkan kepada Unit Perhubungan Awam, Aras 15, Wisma Sumber Asli, No. 25, Persiaran Perdana, Presint 4, Pusat Pentadbiran Kerajaan Persekutuan, 62574 Putrajaya.

Tips 1

Cara Mengatasi Alahan Terhadap Habuk, Ubat-ubatan dan Makanan Tertentu :

- I. Elakkan pencetus alahan.
- II. Bersihkan habuk di rumah, pejabat dan di dalam kereta (cuci, vakum, tukar cadar, kain hamparan dan mainan lembut sekerap mungkin).
- III. Bersihkan penapis udara dan sistem penyaman udara secara kerap.
- IV. Kurangkan pengambilan makanan yang mempunyai banyak pengawet dan pewarna.
- V. Tingkatkan pengambilan buah-buahan segar, sayur dan air.
- VI. Kunjungi doktor atau pakar untuk dapatkan ubat bagi mengurangi gejala.

Tips 2

Cara Kawal Stres / Tekanan :

- I. Hindari persekitaran yang memberikan tekanan kepada anda.
- II. Jaga badan dengan mengambil makanan seimbang dan rehat secukupnya.
- III. Bersenam. Selain dapat mengelakkan dari memikirkan perkara membebankan, ia dapat mengeluarkan tenaga.
- IV. Belajar bertenang, tarik nafas panjang-panjang.

ANNUAL MINISTRY NATURAL RESOURCES ENVIRONMENT

Ministry Environment Water Resources
Friendly Games Singapore



MALAYSIA VS SINGAPURA

Bertempat di Singapore Island Country Club, New Course pada Februari 2007 yang lalu, mencatatkan kenangan yang bermakna buat warga Kementerian Sumber Asli dan Alam Sekitar apabila perlawanan persahabatan yang diadakan antara pemain-pemain yang terdiri dari warga NRE memenangi tujuh daripada 14 acara yang dipertandingkan di sana.

Pertandingan ini diadakan setiap tahun secara bergilir dan tahun 2008 NRE akan menjadi tuan rumah. Seramai 135 pegawai dan pemain terlibat dalam Kontinjen tersebut. Acara-acara yang dipertandingkan antaranya adalah seperti badminton, karom, chess, dart, snooker, squash, ping pong, bola tampar, bola jaring, bowling, sepak takraw, tennis, golf dan environmental walk.

Dalam pertandingan tersebut NRE telah memenangi acara golf, badminton, bowling, bola jaring, sepak takraw serta bola tampar lelaki dan perempuan.